



D. Virginis Oetinganæ Historia

Irsing, Jakob

Monachii, 1643

C. IV. De aliis quibusdam priscæ pietatis monumentis.

[urn:nbn:de:hbz:466:1-64940](https://nbn-resolving.org/urn:nbn:de:hbz:466:1-64940)

De alijs quibusdam priscae pietatis monumentis.

Celebratur inprimis Oetinganæ inter cimelia Navis argenteae clathris aræ Marianæ appensa cui vetustatis prærogatiua, & miraculi, cuius monumentum est, magnitudo famam conciliauit. Prorari muniunt scuta quatuordecim, signa totidem nobilium familiarum caelestia. In his principem locum obtinent Henrici Lunenburgici, quidam Brunsvicensis, Insignia, Leones quatuor, quadrifariam disclusi; duobus primam aream, singulis reliquas tres implentibus. Causa appulse ad portum nostræ Diuæ navis hæc est. Transmiserat A. C. MDXVIII. Henricus Dux è Britannia in Galæciam, D. Jacobo Apostoli ossa Compostellæ deueneraturus, nobilem trahens committatum. Reuertentes inde, pridem eius

eius diei, qui D. Laurentio sacer est, adeò atrox tempeſtas adorta eſt, ut certus omnium animis interitus obverſaretur. Fæditatem procellæ geminavit noctis horror: cui ſævior ſucceſſit dies: diei nox altera, ſuperiore funeſtior. Humano caſſi auxilio mentes precésque verterunt ad Deiparã, votúmque pro vitâ nuncupârunt, navis argenteæ in Oetingano ſacello ſuspendendæ. Coniectura eſt, auctorem eius conſilii capiendi fuiſſe ſociis, quendam ex Adelzhuſiã, nobili inter Boios familiã, quem interfuiſſe periculo Inſignia gentilitia fidem faciunt, primis notata nominum litteris, I. V. A. Editò voto remittunt venti, ſerenantur cum cælo mentes, ſalva navis portum adpellitur, multis aliis eã tempeſtate merſis.

Eodem anno Fridericus Elector Brandenburgicus, Alberti Achillis filius, à quo Principes Anſpacenſes ortum ducunt, duos antiquo opere calices

calices argenteos, diuino sacrificio peragendo, donauit.

Organum Musicum maius, quod Diuorum Apostolorum æde cantatur, fieri curauit Hoyerus Comes Mansfeld. Idem binas cataphractas quibus armatus inire prælia confueuerat, Diuæ Oetinganæ consecrauit tutelæ beneficium professus. Ad hæc galeam ingentem, ludis quondam uestribus habilem. Idem A. M. D. C. XXX. stipendium perpetuum constituit sacrificio Sabbathis omnibus, in sacello Mariano, cum cantu peragendo. & eo Deiparæ sine labe conceptum voluit honorari. Quæ prolata mentes ad memoriam pietatis Germanicæ reuocant, tandem apud multos populos, non doctrinæ vitio, prolapsæ, vt iam in omnis Deiparæ cultus, tanquam improbus, & in maiestatem Numini iniuriosus, templis animisque proscriptus. Relucet etiam sacri-

cali in vestitu maiorum religio: Georgii, ante alios, Boiorum Ducis, & Hedvvigis coniugis, Casimiri Poloniae Regis filiae: Austriacorum praeterea, Saxonum, Brunsvicensium, Principum: Comitum adhuc Schvvarzenbergicorum, toparcharum Freundspergiorum, Mindelheimensium: aliorum, praeae nobilitatis, magnorum nominum: quorum pietatem, Insignia, antiqui operis, Casiolis affixa, posteritati commendant.

CAPVT V.

Alberti V. Boiorum Ducis, & posterorum in Oetingana aede visenda, & locupletanda pietas.

Albertus, qui Magnanimi nomen à factis tulit, vti religionis vniuersae, asperrimis rei Catholicae temporibus, fortissimus custos vindexq; fuit; ita praecipuus Oetinganae

H

ganae